

雪

門

詩

草

雪門詩草卷五

蒿目集

善化許瑤光雪門甫著

己未年

穀日渡西興作

重遊浙地四經春。水驛山邨草草身。今日新年仍問渡。
西興微雨濕行人。

江千古柳吐黃芽。江岬風潮漲白沙。幸有小航能待渡。
西湖許我問梅花。

天涯輪轉學勞薪。雁後花前倍慘神。不是家僮羅拜祝。

已忘今日我生辰

西施廟

余以丁巳暮春視事義安暇眺南部得苾蘿舊
蹟明璫翠帔照耀溪光蓋愛古者標其盛也已
未之春余將瓜代緬維名媛生長未免踟躕勉
成十絕刻石廟側有揚無抑庶不以唐突見諒
噫紗石上春日黃浣紗溪畔春波香。妾自殷勤供女職。
那知姓氏動君王。
山如點黛水如螺。小廟誰修曲徑阿。當作門楣光故里。

徵車曾枉相臣過

芙蓉初出擅風姿。貴固殊人賤亦奇。記得隣娃慕顏色。效顰早日有東施。

笑攀桃李別春風。去采姑蘇蓮蕊紅。唱曲女兒齊俯首。一時越艷壓吳宮。

垂垂珠幌動鳴璫。倚醉嬌生白玉牀。報越報吳何等事。捧心未敢訴衷腸。

英雄烏喙亦多情。甬邑東留海畔城。但使夫差似長樂。朝雲應倚過殘生。

芊○繚○香○草○輒○如○茵○麋○鹿○長○洲○齧○暮○春○知○把○黃○金○鑄○良○粥○
保○全○越○社○究○何○人○

沈○江○水○莖○謝○鴟○夷○雲○雨○風○濤○古○會○稽○應○託○微○波○還○故○國○

至○今○潮○尚○到○楓○溪○楊升菴謂沈西施於江以謝鴟夷鴟夷

而浮之江爲證解亦奇
關楓溪在諸暨東北

嘒○嘒○東○風○叫○鷓○鴣○越○臺○何○處○認○平○蕪○如○花○春○殿○當○年○滿○

曾○記○眠○薪○食○膽○無○

春○深○姿○媚○碧○苔○紋○石○上○書○題○王○右○軍○千○古○苧○蘿○明○月○色○

美○人○名○士○各○平○分○

春夜

金。鳧。香。噴。良。宵。永。藻。井。無。塵。玉。徽。靜。簾。幕。垂。垂。春。氣。融。
小。窗。燈。弄。瓶。梅。影。

別諸暨作

吏。民。置。酒。攔。我。道。滿。路。東。風。香。繚。繞。浣。溪。流。作。玉。琴。聲。
怪。我。囊。琴。去。何。早。西。嶺。桃。花。紅。欲。開。不。待。花。開。花。應。惱。
宦。途。遷。調。那。有。常。東。山。月。轉。西。山。曉。杭。城。故。人。昨。日。書。
催。道。湖。光。相。待。好。商。量。去。住。難。爲。情。白。雲。舒。卷。隨。天。表。
兩。載。淹。留。兵。水。荒。簿。書。歲。月。疾。如。鳥。愧。無。規。畧。繼。劉。侯。

豈有風騷師鐵老。儒吏循吏向者。是細算沈思真絕倒。
匆匆去轍不可回。風搖堤柳船篷掃。行囊莫謂使君廉。
藏有丹青老蓮稿。

明邑侯劉復修諸暨水利有經野規畧一書

夏寒

已過短至尚披緜。水漲錢江伏雨天。錯認重陽秋色老。
菊花開遍馬塍前。

豈緣鄒行夏霜寒。縱有徐陵帶熱難。人世炎涼無復準。
自採槐葉作淘餐。

購畫新逢沈石田。開圖雪嶺界雲天。滿堂虛白空難掃。

煖酒微酣障底眠。
旅居湫隘原無竹。庭榭清閒却種花。但得清涼過此夏。
不辭重纒換輕紗。

四月初十日由岳墳至玉泉歸憩紫竹禪院得詩
數絕

纔過清和浴佛天。玻璃舫泊岳墳前。漫山青翠收新雨。
綠霧濛濛叫杜鵑。
欲問花神廟已頽。零環碎佩半青苔。莫辭更入玉泉去。
一路野花隨意開。

昔時金鯽已無多，無恙清泉似舊波。此日重來應識我，
一龕烟火供彌陀。

歸憇湖西紫竹林，長松滿院落青陰。高僧不在禪關寂，
細細爐香裊佛金。
鄰船香客促扁郎，指點雷峯上夕陽。我亦回舟望城闕，
滿湖風起白蘋涼。

四月廿一日同劉芸齋諸友泛湖遇雨

風○捎○柳○岸○人○難○立○雨○濕○篷○窗○酒○易○涼○老○大○扁○郎○仍○膽○壯○
搖○船○偏○向○水○中○央○

贈楊鐵星

昔年同住宣武門。旅館槐花共酒尊。今年同住吳山麓。
輕衫各蘸西湖淥。別經十載鬢髮斑。滄桑世事如翻軸。
且喜東南半壁完。竭來浙水營微祿。那知鶴唳逐鳧飛。
來日衢州報被圍。男兒氣息如山湧。憤携書劍贊戎機。
銅錢嶺上十萬賊。夜半燒營紮不得。望氣應知我有人。
飄風卷盡妖雲黑。我時浣水練團兵。官兵亦復永康城。
金巖衢處千山霧。一夕秋光爲掃清。白帝雲旗指吳越。
故人此日罷從征。中原豺虎猶未靖。楚國英賢競馳騁。

舊日師朋半將才。蒼鷹騰擊雲霄迥。我輩偷閒滄海邊。
西風玉匣干將冷。十載兵戈不與謀。昨來始遇烽烟警。
天心警浙終愛浙。游氛一掣無留影。四海方歌行路難。
六橋楊柳一枝安。他時事勢那可必。南北峯頭月且看。

西湖雜詠

土獻錢王鐵券盟。衣冠南渡保陪京。天心似愛湖山秀。
曾遣杭州作帝城。

御園春雨長青苔。獸鎖金鋪繡未開。惟有池中美人石。

簪花長待翠華來。

行宮池中有石杭人稱爲美人石

西階銅鹿尚銜芝。東階銅鹿杳何之。雨露不忌。巡幸

澤。聖因寺繞綠楊絲。

行宮階前銅鹿二今失一

曉鐘催客到南屏。紅燴相迎酒半醒。入寺敬參羅漢果。

黃袍贍就降檀馨。

淨慈寺世尊像五百座中有黃袍黃蓋日角龍庭者杭人引太昊卽應聲

大士之說相附會恐非無因

靈簫畫鼓惜芳辰。處處春波長白蘋。社日搖船雙槳快。

金沙港去賽花神。

李敏達建祠奉湖山之神增其景爲湖山春社杭人謂敏達自塑其像於

中花神十二皆其侍妾觀御賜竹素圍額奉懸其中諒不誣矣

白面遊郎寶馬嘶。瑣瀾橋畔踏香泥。楊花處處迷人眼。

不辨蘇隄與白隄

韜光深處聳高樓。竹篔流泉折折幽。寒綠侵人肌骨爽。山風海色四時秋。

十丈蓮舟六月乘。朝來水氣曳輕縈。自家瓜果清涼甚。

卻買湖中新剝菱。十丈蓮湖中舟名

中元燈火混湖光。夜泛湖船一鏡涼。更說中秋明月好。

滿湖風露桂花香。

黃綾小袋護當胸。三竺雲開報曙鐘。香客到來天未曉。

山門松翠滴重重。

牛酪詠

我昔試吏居桐江。學使過境索牛酪。驟無牛酪闔者怒。星軺不發縣前泊。今年聽鼓居杭城。杭城刺史殊多情。芻人刈草西湖曲。日日殷勤飼黃犢。黃犢有母乳。潼潼饑以角觸母牛腹。虬鬚老僕睨犢旁。紅瓷奪乳飛雪香。畫戟轅深晨夢破。一椀銀漿達清臥。從茲黃犢常朝餓。

麻溪舟中

薰風逆舟舟行遲。卻喜迎面能添爽。舟中吟詩不成書。筆墨搖蕩隨雙槳。兩岸青青老樹垂。篷窗一夢綠雲晃。

鏡湖快閣在何許。水面菱歌涼。皮響。閉。閉。白。鴨。菰。蒲。中。
自。鸞。蠟。喙。洗。紅。掌。

卽目

萬樹蟬聲韻野絃。桔槔引水灌平田。薰風細細稻花苗。
日午秧雞覆稻眠。

六月十五耶溪待月
月到將圓出漸遲。海雲更爲遮掩之。耶溪舟中坐相待。
碧波涼露生秋思。沙岸人家少燈火。一螢飛入叢竹枝。
清風微微樹不颺。蘆洲濕翠侵人肌。

納涼

我依高梧作主人。更招明月爲嘉賓。竹林葵扇一茗椀。
坐臥起立隨吾身。不問長安事。那識干戈塵。仙心佛念
兩無有。世俗凌雜何足陳。清風徐徐動天末。梳我綠髮
澄精神。隔苑誰人吹玉笛。梅花楊柳莫名春。棲蟬無聲
萬籟寂。仰見飛星奔銀津。玉宇瓊樓在人世。廣寒何必
尋冰輪。微雲漸起露欲滴。歸臥紗幮隨欠伸。撫牀殷勤
囑菊枕。不須好夢生迷因。

初秋感事

前年冬洋人構釁粵東粵人請設備節相葉以
扶鸞卜敵篤信仙語無害堅不爲防城遂破夷
人駐兵於觀音山挾葉登輪舟去後死於海島
朝廷命吏部侍郎黃馳驛往黃請沿海以察夷
情由江浙繞閩以達粵已而以粵西撫勞文毅
署總督曾王率勁旅防大沽口桂文端花文定
馳赴上海定議蓋以內近者爲防而以外遠者
爲撫也洋人不會議於滬兵船直駛天津是昔
日洋情重在東南今則轉移直北矣感而作此

上相星臨滬瀆明島夷仍犯薊州行津倉米已沙船兌
遼海兵原鐵騎精未許和盟生詭秘敢因優養更縱橫
昨宵紫極瞻闌角重疊祥雲擁玉京

回思香港簇蓮花快蟹長龍水曲遮舊日義民曾卻敵
兩年泉客竟爲家檣竿鐵砲開濠鏡典籍烟煤化越華
久道相公航海去可能徐福其生涯

叔兄墨綬縮潮陽一紙書來託海航去歲星帟猶惠郡
比來丹詔出明光桂林節鉞傳東指銅柱勲名定遠
揚早晚觀音山上虜一齊卷旆出重洋

浙境沿邊盡海游。甬江激浦又東甌。蛟盤是處通番市。
由教於今有拜樓。彼擾邊陲先失利。我堪羈縻不防秋。
思量二十年前局。北角東瀛已不侔。

誌慨

洋烟由海舶以入中華。見於明萬曆間。李時珍本草穀部名阿芙蓉。一名阿片。俗謂之鴉片。性能止痢澀精。引王綸醫林集要云。來自天方國。龔雲林醫鑑有一粒金丹名。卽此物也。至本朝乾嘉間。流染漸盛。華人迷之。有自種者。然終

不如洋產以內地寶貴之銀易外域害人之物
涓涓不息流爲江河道光中年銀價日昂上下
交困江西黃樹齋先生上漏卮一摺因而林文
忠查辦洋烟釀成巨案杭州許乃濟太史有請
開烟禁之疏未能遽用今則藉洋葯捐以助軍
餉矣攷緩寇紀略言天啟時有天下兵起遍地
皆烟之謠說者謂烟卽今之烟草然烟草或謂
始於明或謂唐時已有之恐此謠爲洋烟發也
新論云飛颺甘烟又云口貪滋味命曰熏喉之

烟今日甘烟者人人飛聽何畏乎熏喉耶嗜好
所在灾於其身逮及寰海能無慨然

江右黃公慨漏卮封章曾受九重知那期事變終難
挽轉出狂瀾不易支罍粟連天迷雨露芙蓉是處幻城
池生民底事甘沈酒膏火相煎又幾時

勝朝芽蘗入中華番賈裝來貫月槎當日芳名歸藥籠
而今奇貨到農家休嫌謀國先幾短致使齊烟九點遮
作俑何人君試問豈知流毒至斯耶

回首兒時四十年滄桑世畛起烽烟需泥變竟成師訟

厝火人猶縱。寢眠已幸識。時開厲禁。暫因軍餉。借罄錢。
杭州太史吾宗杰。曾獻芻蕘達御筵。
日月爭光仰酒星。桑麻并重著茶經。殢人尤物皆天降。
滋蔓中原已地靈。一例虜瘡留漢將。千年烟草瑞明廷。
彼蒼究竟因何醉。欲叩闔扉喚不醒。

湖心亭觀鹿

鹿本深山客。胡爲水之中。蓮花開洲渚。來遊非吳宮。已
被松圈錮。戴角偏自雄。子鹿時跳跟。老鹿臥從容。湖亭
久已圯。寂寂遊人蹤。一自僧養鹿。士女來昌丰。銅牌年

代失翠芻朝夕充金毛雪點博人愛不愁鋸斷瑪瑙茸
且聞今年事城中鹿爭致有人銀管呵其血坐使斑龍
色蕉萃寺僧養鹿鹿銜恩尚未牽過權貴門

立秋

西風昨夜入庭柯鐵線輕紗欲換羅池閣幾家涼意透
關河萬里白雲多中年易感潘郎髩秋節難吟漢婕歌
剩有幽蘭慰遲暮曉含香露向人呵

秋日西湖觀荷偶述

夏荷已歛澹秋荷更鮮妍西風吹香發蕩漾碧雲天寶

馬誰家子。三五長隄邊。看花肆游冶。行行忽停鞭。游魚
啖人影。香蘂牽去船。花前已眷戀。花外更纏綿。人情無
界限。瞬息多變遷。可憐灼灼姿。能使青驢牽。那知木蘭
漿。可望不可前。但見雙翡翠。飛入湖中烟。

感遲暮

年少如春木。雨露爭華耀。不知誰使然。隨境得歡妙。黃
鸝語東風。秋來輟仙調。歡樂變疏懶。遲暮氣所召。雲霞
散餘綺。倚閣愛返照。

錢江琵琶

斜日錢江水琵琶水上聲一彈江月白再彈江水清三
彈曲未罷澎湃夜潮生美人驚起碧衫舉龍舟畫鷁一
時橫如此風潮莫歸去勸郎今夜船中住

駐舟越溪

西風吹動越溪橈將入天台訪石橋多謝蓬萊山下月
清光留我度秋宵

渡曹娥江

昨宵雨濕蓬萊驛今日雲開孝女祠滿岸菊花黃似絹
渡江正是早潮時

甯海雜詠

浙地東南角。山深海亦深。颶風時拔屋。瘿木自成林。石
纍沙田漲。花栽粟殼陰。棚民和蠶戶。撫字費沈吟。

土寇年前作。西城屋盡焚。災黎猶待卹。餘孽未全熏。望
歲消兵氣。祈天掃瘴雲。惟憐鄒大令。全節獨流芬。

鄒君名全

節竟成
識語

城郭多崩缺。躊躇補葺難。時艱無帑請。地瘠况民殘。連
賦千村積。連年五日官。根顏看墨綬。底術挽狂瀾。洋
面人難出。於今盜賊雄。南田踞巢窟。廣艇仗潮風。重

鎮兵徒擁巡船費早窮中原多事變那復顧溟東

巡船經費

四年截止海盜遂難制

公府如僧舍何因慰寂寥緱城聊課士南部偶觀潮地遠朋來少年荒訟亦消青燈與黃卷宛轉伴寒宵

十月園中桂凌霜尚作花晚香能慰客破扉且爲家籬敗藤穿蜨牆欹薛走蛇呼僮扶怪石也作小山斜人道黃溪口江瑤產仲春我來剛步暮尚未食奇珍下酒瓊蚶紫堆盤粉蠟新禦冬饒水錯不負老養身

翩翩鄧梅尉蘊藉腹多書設帳文招士工棋著讓予十

年京邸熟。八口錫山居。相對憐蕭瑟。微雲悵卷舒。
阮君竹林客。俊拔出風塵。一第春闈懶。斯文道味親。
識今兼識古。憂亂不憂貧。長夜挑燈語。依依已四春。
昔走台州遍。茲來更向東。滄溟連野白。霞色入城紅。
紫洞唐年壘。龍山靖難忠。讀書兼報國。懷古想英風。
回首錢塘路。曹江又甬江。暮烟遮古驛。海色接孤艘。
好夢湖雲繞。鄉愁越酒降。比來行李減。一劍與琴雙。

寒夜

長夜吳天碧。嚴寒滄海深。暗水生遠渚。瘦月出疏林。境

寂憑書慰霜多壓夢沈荒雜何處唱搖動故鄉心

遇蔣紫玖司馬於越溪舟中別後卻寄

前年秋潮發。同上錢江船。青娥四五人。次第歌嬋娟。好曲不盡識。掩抑聽鳴絃。燭花照綠鬢。半醉拍其肩。君狂我亦肆。飄飄身欲仙。夜飲醒未解。晨光復開筵。流連不知暮。此景在目前。那識一分手。二十四蟾圓。君縮舟山綬。孤城滄海懸。寄書來浣水。字帶鯨波烟。浣水君舊治。口碑傳君賢。蕭規而曹隨。一一仰先鞭。今年脫浣印。武林饒春眠。朝夕期君至。同采西湖蓮。蓮花已落盡。桂花

又凋妍旋奉緱城檄撥雲台岳巔臨行不見君惆悵赤
霞天誰知蓬萊月照此雙蘭荃把臂叫未已出示新詩
篇詩經海水濯字字珊瑚鮮空囊別無有清句抵廉泉
握卷那忍釋催別惱鳴舷君言且莫去秋雨方涓涓冒
雨尋花好脫此塵網纏百年笑幾日那惜買酒錢風光
不相貸良會趁此緣况聞江上柳飄零散翠鈿往時蠻
素輩今落阿誰邊搖曳花梢雲化水逐流川東風雖有
意吹之不復旋舊夢杳難覓新歡宜自便感君致拳拳
爲君行遷延別君又幾日珂雪飛輕緜作詩郵筒寄勝

事傳吟箋

劉望洲太守由蘇來浙供億江南鄉闈別後卻寄
聖壽開 恩榜江南借浙闈兩科萃什奏十月桂花飛
皖額名仍舊徽州士到稀君來設供帳舊地恰如歸
六載西湖路煙花處處收春風曾浙水明月又蘇州吳
越五湖共東南半壁秋我今羈海角遙望暮雲愁
何日金陵克江淮凱奏聽 國威殲醜類家祭告忠靈
猶子心情慰專祀俎豆馨他年觀竹帛漢水照垂青望

叔見甫方伯殉難於安徽
謚勤壯忠蛻尚未得歸

幼子吾嬌婿。詩書讀定多。性情新醞釀。頭角舊嵯峨。南
國縈喬木。西風結翠蘿。寄詩君必笑。何事苦吟哦。

卽目

一○溪○流○水○帶○村○灣○。村○外○人○家○杳○靄○間○。長○怪○碧○雲○吹○不○散○。
細○看○知○是○海○中○山○。

白嶠駟

在甯海東南

白嶠東南部。烟闊數里遙。夕陽人倚樹。古駟路平橋。雨
過溪添漲。天寒海暗潮。疏星忽在水。暝色更蕭蕭。

求友吟

羣鴉噪庭槐。不如雙燕語。衆星羅秋霄。不如明月舉。幽
窗待良朋。所貴知心侶。黃金高泰山。揮霍隨歌舞。昨日
酒食場。今朝散如雨。豈無金石人。當前不知苦。蘭蕙混
蓬茅。梅花雜枯杵。古交以澹成。風雲通肺腑。願斛西湖
泉。洗目青相灶。

宿黃溪寺

夜宿黃溪寺。空庭浸月華。孤身懸海角。冷夢醒天涯。葉
墜知霜重。天高任斗斜。杭州費惆悵。那復憶長沙。

登躍龍山

山有方正學先生讀書故址及呂仙閣
白茫茫兮滄海之潮從東廻青濛濛兮台嶽之雲自西
來登高長嘯秋日曉四山煙靄爲之開乾坤性情那可
測何用弔古愴中懷當時正學先生讀書處古墻壞雨
生莓苔不如沽酒醉高閣壺中日月如蓬萊颯颯碧髯
洞賓老下視浮世如塵埃我來恰抱凌雲志願呼仙人
同一杯

過桐巖嶺

天台有桐柏山桐巖嶺卽桐柏也有大小二巖

由甯入台必經此嶺

天台山脉東南秀峰峰入目疑靈鷲緱城桐嶺不可階
霜華落木秋岩秀小岩陰閉常淒風大岩陡峻懸飛溜
琪草瓊花絕壁生仙人難采手雙袖纍纍山果不知名
翠蔓縱橫飽颺颺滿徑松釵亂紅葉登臨已是嚴冬候
古洞迷離漢代雲豈有桃源通石竇一聲長嘯徹玉霄
曠野看人小如豆嶺巔頽石作關砦知是何年防狡寇
洞天福地不得安我笑松喬休自徂何處武陵堪避秦
淵明所說多虛繆君不見蓬山桃實廣寒桂曾經偷伐

難○如○舊○欲○將○浩○劫○問○彼○蒼○帝○闕○遐○遠○憑○誰○扣○

塔山村莊

滿○屋○塵○沙○堆○麥○稭○西○風○吹○徹○溪○山○冷○古○祠○獨○坐○冬○日○長○
黃○柳○絲○絲○搖○瘦○影○

二○三○耆○老○凍○顏○開○扶○杖○歡○迎○拜○綠○苔○自○道○海○村○荒○僻○甚○
卅○年○不○見○長○官○來○

塔山卽事

泠○泠○華○頂○峯○前○水○流○入○村○前○作○大○溪○秋○風○無○復○桃○花○片○
白○雲○灑○黓○溪○之○西○日○出○雲○開○若○然○朗○紅○樹○曉○鴉○飛○復○啼○

居民種麥及霜霽沙田叱犢仍青鞵林平地曠過客少
祇緣前路高山迷山中舊隱梁王子六朝古事今難稽
歲暮我生胡至此凍口冷風顏欲紫聊藉荒涼作壯遊
休嫌身到天涯裏

由塔山還縣過菴下嶺遠眺

山高石峭古亭斜日暮人疲小駐車莽莽寒雲衝去雁
蕭蕭落葉擁歸鴉西南駟路天邊樹東北田原海上沙
莫道蓬萊足仙窟如今島嶼盡人家

采柏歌

柏古
作楷

昨○日○天○風○寒○門○前○柏○葉○丹○今○日○霜○華○積○門○前○柏○子○白○千○
枝○萬○顆○夕○陽○中○真○珠○蓓○蕾○珊○瑚○叢○前○村○後○村○競○采○摘○竹○
梯○斜○倚○芙○蓉○風○歸○來○石○臼○登○登○擊○紫○釜○颼○颼○玉○脂○滴○淘○
成○華○燭○照○誰○家○莫○辨○歌○筵○與○書○壁○采○柏○人○家○夜○索○綯○自○
斫○松○柴○帶○葉○燒○松○枝○燒○盡○黑○寂○寂○翹○首○中○天○望○月○高○

甯海漫興

隔○斷○西○湖○畫○舫○杯○寒○雲○何○事○傍○天○台○臨○風○欲○寄○梅○花○信○
不○到○孤○山○且○莫○開○

岩○壑○崎○嶇○浙○海○東○丹○邱○古○寺○暮○霞○紅○黃○金○未○就○仙○緣○早○

慚愧塵容對葛翁

琪樹瑤華凍色殷。石梁泉水咽潺潺。西風吹冷胡麻飯。爭怪劉郎欲出山。

烟霞枕席謫仙遊。那識天台礙越州。欲倩夸娥移便去。平騎白鹿望東甌。

出行喜晴

北風吹雲生風猛。雲忽散羣山插瘦碧。白日懸青漢。雨態正愁余。霽顏忽歡讚。穿林黃葉乾。渡水白石爛。峻嶺窮攀躋。看霞卷輿幔。霞邊排飛鴻。橫亘陣不亂。碧落路

脩長。豈畏金丸彈。呼之定不來。神遊同汗漫。我行亦有
涯。何用愁歲晏。

鎮泉寺暮眺書感

古寺樓臺倚暮寒。海天極目一憑闌。凝雲凍碧和霞送。
落日沈黃當月看。已覺疏鐘搖旅思。那堪華髮博微官。
村墟野靄炊烟合。又是人家欲晚餐。

山行

黃松罩露篠浮烟。鎮日腰輿翠嶂前。風揭氍毹帽短髮。
日穿璃鏡上吟肩。溪傍怪石蹲如堠。谷口歸樵醉欲仙。

村店偶停饒野趣瓦壺土銚煮清泉。

海村

沙縈石繞結村莊。人立溪橋語夕陽。指點重洋在東角。
青山缺處白茫茫。

淨土寺

青霜刷野霜林墜。古寺高松落寒翠。老僧不管佛香消。
午齋無事饒冬睡。

寺中夜坐

小住禪關又二更。木魚聲靜旅心生。霜嚴佛座孤燈冷。

天淨寒星徹夜明。海曲無朋談世變。地荒何術治民橫。
幽窗破紙含風語。似促羈人句早成。

寺壁懸李鐵拐像戲題

紅塵頓換碧霞天。跛足虬鬚闌苑前。但使黃金燒有術。
不愁乞丐不神仙。

冬晴晚眺

谷口歸樵葉滿肩。霜催西日下寒天。川原渺渺行人去。
村落閑閑暮鳥還。遠塢凝雲低過水。夕陽疏樹薄如烟。
瘦詩吟就心情定。不識梅花逼舊年。

淨土寺臘日曉起

僧○寮○曉○色○催○人○起○
聒○耳○村○前○臘○鼓○通○
天○近○殘○冬○霞○半○白○
地○偏○東○海○日○先○紅○
誰○燒○香○粥○供○晨○爨○
且○曳○輕○裘○禦○朔○風○
昨○夜○如○鏹○霜○裏○月○
瀟○湘○應○照○水○邊○鴻○

健跳所觀海

古○戍○防○兵○在○孤○亭○
海○色○收○雲○開○朝○日○
湧○潮○動○萬○山○浮○淺○
汶○無○番○舶○滄○波○受○
釣○舟○土○人○南○指○道○
隱○約○卽○留○求○

瑞相寺

寺在甯海東南

四○山○森○石○筍○小○寺○
踞○山○腰○洞○古○流○泉○
細○村○低○酒○店○遙○高○

松多受日老樹不驚颺林外僧三兩斜陽掃葉燒

出瑞相寺

曉披雲霧出山門
茫茫不見前山村
及到村中回望寺
一白模糊了無痕
錯疑天心欲釀雪
豈知春意回乾坤
露滴松枝作珠響
一鳥穿沒如羽吞
冥冥濛濛衣裳濕
似雨非雨手可捫
好景倪迂畫不到
迷離一幅供詩魂
詩成雲散天漸朗
野店沽酒傾銀樽

嶺根山普照寺

松濤飛不盡壓寺翠重重
一夜北風吼殘年深谷蹤門

開臨碧嶂路轉出雲峯恍惚同天竺二年前曳瘦筇

夜行

絮帽狐裘冷夜行。奚奴然火趁山程。重雲低壓松林黑。
小雪潛飄麥地明。野店燈稀門漸閉。溪橋路滑馬頻驚。
客心無那閑閑去。村柝何須問幾更。

由古岫駟還縣

路出層巒島嶼開。沙平石細柳隄回。村連密竹清溪繞。
人度疏林細雨來。回望西雲猶釜氣。直看南郭見書臺。

方正學讀書臺
在甯城南郭

天寒亥市爭喧集。知是山城歲箭催。

梅林雨歇望香岩天門諸山

樹外橫青山。山外白雲起。雲外更高峯。縹緲炫丹紫。變態難爲名。岩壑有無裏。長天一鳥去。翩翩爾何止。香岩與天門。模糊倏難指。橫側出奇新。開闔迷終始。不有松喬居。錦屏爲誰峙。青雲我欲梯。謝屐去前齒。

夏靜甫參軍來權縣丞以詩見示贈此

靜甫曾遊古北口

山城殘歲見詩人。槐樹新安老健身。白髮一官無祿米。黃沙萬里憶勞薪。雲迷桂樹天台暝。雪壓梅花海國春。此地荒寒誰破寂。清詞今日結君鄰。

庚申年

方正學里祠

正學雖族而遺孤冒余姓避雲間得免今祠中
尙有其嗣孫

躍○龍○山○霧○黯○黃○昏○靖○難○忠○懷○聚○寶○門○筆○札○竟○投○丹○陛○地○
麻○衣○應○返○故○鄉○魂○千○秋○文○翰○鳴○孤○鳳○同○輩○心○肝○歎○一○豚○
局○定○燕○京○難○遽○挽○九○原○未○報○孝○陵○恩○

淮○波○不○障○北○兵○來○鎖○鑰○金○川○暗○地○開○共○道○削○藩○成○禍○首○
早○因○負○辰○老○奇○材○國○師○空○欲○留○書○種○義○弟○終○教○殉○夜○臺○

甘露靈芝杳何處。潺潺泉咽白溪哀。

鐵鑑名刻魏尚書。曲護遺兒冒姓余。十族膏塗雖草野。孤忠血食自鄉閭。羣鳥朝賀君何處。飛燕城池社又墟。惟有清泉山尚好。我來勝蹟訪樵漁。

海蟹

亦○自○饘○然○大○無○黃○腹○總○空○張○螯○如○欲○攫○盱○目○向○誰○雄○厨○役○薑○芽○紫○滷○人○斲○火○紅○傷○生○難○適○口○何○事○竭○溟○東○

人日渡西興

又渡西興駟頻年。是此辰。往來江路熟。俯仰歲華新。越

壑深含雪吳雲暗變春東風應我便不必畏潮神

甬東舟中

扁舟甬水度新年。蓬納東風萬里天。殘雪樓臺溪外樹。
輕寒城郭海隅烟。潮生曉色浮鳧鷖。市靜春聲入管絃。
似此樂郊情不願。夫差殉國究英賢。

閏三月初八將赴仁和任慰甯海諸父老

父老咨嗟歎相傳。鄧令賢

名廷楨

卅年無健吏。前歲果烽

煙海闊藏奸地。春深易霧天。君來纔斂戢。那忍餞行鞭。
念我原儒懦。從權尙重刑。此心誰與白。諸眼竟垂青。臥

輟情原重。銜杯酒。又醒栽桃。須去蠹爲語。後來聽。

暮春誌慨

咸豐三年金陵告陷。浙西戒嚴。撫軍黃議守甯國。至己未春。提督鄧忠武戰死。鄭魁士繼之。講求營制。壁壘一新。繩怯去貪。馭下過嚴。誹語四播。爲浙撫胡所劾。奉命以周天受代之。周賞罰乖方。已失士心。去年金陵官軍開長壕。以困賊。喧傳指日可復。賊以長壕之圍甚窘。蓄意圖杭。以分兵勢。而解圍。乘江南借浙。聞雜奸細於

應試者中探杭形勢甚悉十二月忠遊李秀成率賊由六合渡江度歲於蕪湖疾趨甯國縣以犯廣德泗安周天受擁兵二萬餘困守甯國府城不能禦賊李定太戰於梅溪敗焉退走湖郡賊分股犯湖以牽我勢率大股由武康山路逼杭省二月十七日抵武林門省中無勁旅鹺使繆主堅守待援計都堂張檄米興朝由徽來援次富陽不敢進縱兵擄掠圍民殲之數百江督何檄張玉良援杭舟過蘇州蘇藩王壯愍留之

飲且囑其先救湖州時署糧道何紹祺方出運
聞警折回亟請張玉良援杭張乃率五百人由
湖赴杭至三月初二日抵北關而賊已於二十
七日卯刻轟陷清波門矣憶自癸丑暮春浙省
旋警旋平士民習慣不驚避地外出者實少至
是驟圍城破城中戶口二百餘萬人人知不免
憤與賊鬪傷悍賊無算激賊怒下令屠戮尸骸
填道路人馬不能行投水死者上中下三河均
塞滿營將軍瑞謹愿人也外城陷將軍欲自裁

都統來存佐領傑純苦戰卻敵滿營得全時張
玉良之兵逼城下賊見張字旂疑爲張帥殿臣
頗錯愕且意在解金陵之圍張旣出則勁兵必
分可以回撲又以浙省去金陵遠四面阻水儲
糧無多湖郡兵轉戰甚悍滿營未破恐官軍斷
歸路乃決意棄城走初三日張玉良入城報收
復江督何奏謂調度之力出於王有齡請其撫
浙內廷從之亦殊典也杭省旣復人多歸美
於張玉良而不知以藉名成功也滿城不失咸

歸美於瑞將軍而不知來都統傑佐領之力也
至杭城之失浙人羣咎撫軍羅主守不主戰守
近不守遠御史奏撤其卹典而不知縱賊入浙
咎實在周天受也留張玉良飲酒於蘇州促其
援湖而遲其援杭之期則又王壯愍之偏見也
城陷後撫軍羅及妻女均殉難闔門忠節不愧
完人矣其由鄂藩擢浙撫時知浙兵不可恃乃
奏調訓字營入浙意欲改絃易轍不可謂無心
軍務矣逮訓營抵湖而杭州已先告陷此則撫

軍所不及料也。使繆沮於八年衢州之勝恃才自用，瑜不掩瑕矣。然守城被戕，歿於王事而王壯愍，尋前恨亦請撤其卹典，此豈厚以勸忠者乎？夫古今成敗之分，必追其由，敗必知其所以，敗勝必知其所以，勝庶得失之林昭昭然耳。今則悠悠哆口，淆亂當時，而當軸士夫又或以生平積憤，施排扎於已死之黃馘，一唱百和，竟以私好惡，淆定是非，更逾數百年，僅據文飾之奏報，以相品題而徵信，已無自矣。璠 偶談時

勢入耳多逆不覺握筆欲爭爲作誌慨詩六首

傳信秉公以反浮議豈有所偏袒乎哉

杭○州○保○障○倚○宣○城○八○載○供○儲○重○鎮○兵○本○擬○外○藩○聯○浣○水○
那○堪○覆○轍○路○留○京○雲○霞○東○海○迷○旂○色○歌○舞○西○湖○沸○炮○聲○
恨○然○宛○陵○餘○間○道○忍○教○豺○虎○得○縱○橫○

清○波○門○陷○遍○城○紅○義○勇○家○家○巷○戰○雄○敢○死○殊○無○羅○綺○習○
報○恩○爭○効○闔○門○忠○淒○涼○憤○雨○錢○王○觀○慘○澹○愁○烟○宋○代○宮○
五○百○餘○年○金○碧○地○一○朝○灰○燼○付○東○風○
屢○奏○金○陵○指○顧○收○可○憐○滄○海○更○橫○流○養○癰○忍○逼○鄰○封○潰○

受敵能無腹背愁。勁旅空教馳鄂渚。援師何事醉蘇州。
蒼生億萬疆千里。縱使重完豈舊甌。

來公英偉杰公勤。雙馬衝圍氣不羣。久戍八旗原禁旅。
堅持半壁保孤軍。狂潮退舍弓彎月。秋水翻空劍拂雲。
轉悵江南祥與霍。祇留苦節答明君。

風飄毒霧去來狂。佳節重三日又光深。賴吳興奠磐石。
更欣越國隔錢塘。六橋煙雨回驄馬。三竺雲山舞鳳皇。
料得餘氛難久踞。臨安自古少儲糧。

成敗英雄論總非。莫將忠憤達黃扉。封臣効命人誰諒。

驕將登壇節，尙揮榛棘胥。山隄鼠竄棠梨岳，慕杜鵑飛。
東南時事如棋擾，大局艱難淚滿衣。

閩三月廿四日視仁和事作

尋常三月難兼閩，今歲東風轉惱人。苦憶烟花尋舊夢，
深愁兵火送殘春。西湖金碧燒痕禿，南宋河山血暈新。
滿目瘡痍無術補，淒涼宦况敢言貧。
故人贈我菊花騮，學據新鞍髀骨愁。驕將無功新晉爵，
迂儒守拙恥封侯。一椽破廨迷棲燕，繞郭荒田惱喚鳩。
分付孤山鶴，休吟可憐警報又常州。

捉船行

前人捉船行皆祇述民苦不知干戈離亂官與
民同將帥有權甘心縱賊末僚受逼無計護民
此詩之作非欲弭謗聊以愬愁耳

昨日捉船載兵去○防江說向常州渡○今日捉船兵更多○
警信已到蘇州河○可憐兵去無捷報○可憐船去無歸權○
坐見茗溪霽水空○碧波明鏡纖塵掃○軍令如山軍政忙○
材官持箭來縣堂○腰上寶刀鮫珠鞘○高聲瞋目刀鏗鏘○
馬頭無船胥役避○我身半夜來江塘○江塘人靜霜露冷○

青蘆綠荻路脩長。無船那敢入城去。將軍行期正倉黃。
愁絕終無益。乃坐一破航。支河斷港肆搜攬。時見一葦
烟中藏。問之云是避難者。全家老弱團一艙。此船那忍
捉。淋淋淚沾裳。旁人東指路近海。海邊尙穢空船在。聞
信鳴榔向此間。似有媧郎歌歎乃。驟聞兵差將捉船。羣
摸灘石搥船底。頃刻浮家變沈舟。風潮飄忽江神駭。且
來白髮前致詞。非避官徭甘罹罪。今歲春風急羽書。多
少鄰舟載犀鎧。昨聞船焚人被殺。家家痛哭相追悔。言
罷雙頤淚欲流。三吳烽火幾時收。世亂民窮官亦苦。愁

波萬里海東頭

金陵失大營歎

閏三月二十六日金陵營潰張忠武退丹陽力
戰不支躍馬入水死二十八日和春暨總督何
同時出常州城留張玉良以守初一日賊抵常
州初四日張玉良佯出戰遂率兵遁初六日常
州失守和春退許墅關自盡於舟中張玉良兵
至蘇擄民財而走遂退杭州十三日蘇州陷巡
撫徐有壬死之四月二十六嘉興亦陷府教授

蔡兆輅訓導張詠死之蘇常百姓要殺怯將潰
卒於路海沸江翻亂則均亂王壯愍奏云百姓
寒心三軍解體以目前時勢而論斷無挽回之
理覽之令人下淚

六年金陵失大營向帥撐住丹陽城十年大營如崩山
和帥舟來潞墅關瑄瑄和帥尙男子憤極自向舟中死
死後劫火蘇州紅殘兵無主各西東可憐壯士垂雙淚
尙望桓侯來敵中那知國士無消息傳聞劍化丹湖龍
十八萬藥甘萬餉時常州城實有此以茲資寇難回想雨花臺

畔戰骨橫奔牛鎮上驚魂蕩從此陪都至武林毒蛟千里長來往

饑鳥行

蘇常失守難民紛紛來杭余請設撫卹廠於北關接待寺時烽火信緊議者恐奸宄混跡欲逐之余謂嚴稽查於收養乃允行無家乞食舉步多艱非得良司收張口向誰訴哉爲作饑鳥行姑蘇城上驚鳥飛吳宮火起無枝歸南望武林雲樹足携雛將母來斜暉口瘖手据毛羽瘁哀鳴似訴腹中饑

狂風夜夜吹凶信。幾點昏鴉亂行陣。嘒嘒爾是異鄉音。
不○愁○哺○待○愁○瑕○歟○此○地○居○民○况○被○兵○比○屋○瘡○瘦○方○卹○賑○
餘○梁○僅○飽○家○鶩○餐○遺○粟○非○爲○哀○鴻○咨○那○知○饑○烏○終○可○憐○
烟○棲○水○宿○啼○向○天○赤○地○更○無○螻○蟻○啄○依○依○日○傍○翳○桑○前○
主○人○不○忍○飼○以○粟○繞○屋○悲○感○飛○翩○翻○我○勸○旁○觀○休○惴○恐○
此○中○亦○有○慈○孝○種○亂○世○流○離○能○保○誰○長○官○須○視○民○生○重○

白衣仙人曲

庚申三月忠逆既棄杭走六月四眼狗仍率賊
由臨安餘杭入寇十九日賊從臨安去時嘉興

餘氛尙熾中丞迎天竺大士以筊卜之不吉乃
強迎入供奉武林城樓爲作是曲逾月由北關
移供於吳山之伍公祠次年杭城陷大士像亦

燬

西○湖○楊○柳○新○秋○綠○白○衣○仙○人○出○天○竺○北○關○香○氣○濃○雲○浮○
白○衣○仙○人○來○城○樓○千○貂○萬○騎○樓○下○拜○甘○露○浙○瀝○神○旗○幽○
寶○蓋○亭○亭○覆○蓮○座○綉○幔○搖○曳○盤○龍○游○拳○蘭○菊○以○仰○供○瓣○
心○香○而○俯○求○俾○我○黎○元○年○壽○永○俾○我○震○旦○妖○氛○收○浙○西○
往○昔○艷○佛○土○普○陀○山○峙○海○東○頭○海○波○浩○杳○迷○寶○筏○曲○罷○

竝立空夷猶。

門牆桃李篇

烽烟日逼攀緣日多羣枉有門巖牆是立天刑
地棘彼粗俗之桃李又奚以冀雨露之分霑而
奔走形勢者不悟也廣張網羅者亦不悟也聊
作是篇以告來者

野田長桃李。雨露仰蒼天。一旦蒙采掇。乃植門牆邊。文
章通性命。萬古風雲連。奈何藤與葛。榮華藉梯緣。青蠅
附驥尾。瞬息里萬千。旁門敞絳帳。後堂聞管絃。身隨珠

王進誼託金石堅皤皤白髮仰拜少年魚魚逢掖屈志
馬鞭彊臣節鉞已如此武夫專閫彌喧聞君不見今日
干戈擾吳越莽莽郊原迷白骨閭里方愁骨肉恩大僚
猶講師生節吁嗟乎無鄉之社易爲黍肉無國之稷易
爲求福無座之師易爲高足聊占乾肉得黃金那知錦
繡湖山蹙

金華將軍詠

浙俗祀青蛙於湧金門東廟號金華將軍金華
者青蛙之轉音也杭城克復後青蛙游奕於滿

城中旂民虔奉之醮金建廟於滿營適中地金
碧眩目較湧金門舊廟規模煥然矣廟落成綠
營文武俱來賀所以從八旂之欲也雪門子爲

詠其事

二○月○杭○州○失○夜○雨○冤○魄○嘯○三○月○杭○城○收○白○日○青○天○照○死
綏○忠○厲○未○附○祠○將○軍○且○建○金○華○廟○金○華○究○何○神○雙○目○如
怒○瞋○前○生○住○明○月○長○與○玉○蟾○鄰○飽○啖○白○兔○藥○鍊○此○黃○金
身○廣○寒○太○寂○寞○下○飲○西○湖○春○繁○華○釀○劫○運○武○林○吹○黃○塵
神○仙○避○劫○非○草○草○杭○城○雖○陷○滿○城○保○后○土○皇○天○定○有○靈

海鳥爰居識機早。鼓鐘俎豆祀將軍。那期士女爭迎禱。
何以博神歡。雕梁雙龍燔。何以洽神嗜。綠醪湛水盤。何
以怡神目。銀瓶供素蘭。何以安神居。錦茵簇花團。神貺
宜早甄。神譴愁大難。不求賜土田。但求佑平安。頂祝無
日夜。騰沸來千官。捍患救災果。何以善哉將軍無一言。

禮斗詞

下江嚴不能解上江信又告急中丞禮斗於東
園徵諸人而諸將不肯用命禱諸天而戾氣或
可潛消亦良苦矣

西垣上將無光。羽林垣壘空成行。幾時得見歸邪出。
如雲非雲國吉昌。戟戟蘭夜窺乾象。牛女之次兵氣揚。
焚香北向紫霄拜。七星上拱開珠囊。一星天鋒蔽我盾。
一星瑤光資我糧。不願圖書耀奎壁。所願武備森天槍。
憂心耿耿懸碧落。忠忱或邀帝扶匡。樺燭搖紅瓊。葦爛
齋壇瑤席零。青霜銀河漸斜杓。漸轉啟明又出天。茫茫
弔石門令李枚臣

秋七月嘉興大營潰。總統江南諸軍之張玉良
所統潮勇先與賊通。陣自亂。營弁携眷舟居者

各護眷走河狹舟爭水營亦亂是以大潰二十
四日石門令李宗謨迎張於河干請守石門張
佯諾之半夜走天明賊至石門失守李宗謨死
之逾日賊仍退嘉郡余遣人覓李尸不得李安
化孝廉年七十矣至是殉城死亦何憾所憾者
末吏無權大員善走時事日蹙挽回無望耳

秋出武林門倉黃迎將軍長跪問將軍連營何遽焚嘉
興雖云敗應保石門盼石門有故人白髮一官挂城中
無隻兵庫中無片械何不留將軍遠聽杭州退寂寂一

孤○城○西○風○草○木○兵○縣○官○無○權○死○而○已○將○軍○健○走○終○得○生○
雉○離○於○羅○狡○兔○去○周○室○詩○人○知○此○情○

書事

秋○色○催○行○狩○ 鑿○輿○出○熱○河○曉○雲○黃○屋○重○夜○月○翠○旗○多○
虹○挂○金○臺○樹○風○驚○碣○石○波○寰○區○饒○勁○旅○貳○負○敢○尋○戈○

科目歎

我○聞○田○公○撫○豫○宣○化○日○故○與○科○目○出○身○人○相○難○今○日○干○
戈○逼○吳○越○世○路○亦○厭○儒○生○寒○毛○錐○瘦○削○逢○掖○單○那○配○五○
馬○雕○銀○鞍○籌○餉○籌○兵○豪○俠○事○文○章○無○用○古○所○歎○君○不○見○

咸豐庚申暮秋日浙江東西郡十一典郡何人科目出

署杭州姚文塢監署嘉興邢吉甫監湖州瑞春筆帖
甯波林鈞監紹興懷清蔭署台州龔振麟監金華王
桐監衢州江允康監署嚴州曾承禧監
署温州黃維誥附監署處州李樹監

辛酉年

清明前三日諸暨西嶺看桃花作

浣溪春色何處好。西嶺桃花千萬枝。未及清明出城去。
惜花來早花應知。微雨初晴蕊半吐。紅雲薄薄東風吹。
嫣然含笑似相識。怪我綠髻生銀絲。我自前年別花去。
囊琴深入天台路。桃源仙子不可逢。匆匆仍返西湖步。

那○知○兵○火○劫○杭○州○六○橋○三○竺○都○非○故○寂○寞○桃○花○傍○戰○場○
無○人○更○問○半○山○樹○瘡○痍○滿○目○一○官○難○奔○馳○竟○把○花○期○誤○
今○年○重○住○苾○蘿○村○山○城○幽○僻○尋○游○趣○蕭○瑟○明○知○世○路○非○
芳○菲○且○入○愁○春○句○愁○春○春○亦○不○知○愁○殷○紅○滿○鄣○開○無○數○
得○得○青○驄○三○月○天○霞○光○依○舊○落○吟○驪○前○村○雞○犬○俱○無○恙○
武○陵○是○處○皆○神○仙○

是日看桃花遂至西竺菴觀陳老蓮書蹟

桃○花○招○我○來○山○村○蒼○松○招○我○入○寺○門○寺○在○西○山○山○麓○半○
開○門○日○日○迎○朝○暎○殘○僧○三○兩○衲○衣○破○煮○茗○款○客○傾○瓷○罇○

荒林古刹了無有。佛教常借文人尊。舊日老蓮讀書處。
至今手蹟龍虬蹲。摩挲夢想見開國。盛前輩流傳風雨存。
浮生幾人擅千古。竟以翰墨垂乾坤。愧我饑驅走東海。
消磨慧業成鈍根。學儒學墨兩無就。連年祇爲衣食奔。
今日閒遊對彌勒。欲借真如洗塵喧。山花翠篠愜幽抱。
峭石流泉蘇吟魂。欲歸不歸白日暮。出寺晚風吹衣翻。
回首巉岩混天碧。濛濛雲氣自吐吞。

悲乍浦

三月初九日乍浦城陷都統錫齡阿死之

愁雲漲東海。連日吹不散。妖氛纏浙西。連年不可斷。禾
城既不守。乍浦危如卵。杰哉錫都統。獨戰苦無伴。碧血
化怒潮。萬里滄溟滿。雨水姚江一葦間。海防從此應難
緩。

聞江山常山失守

正月侍逆由休甯竄婺源時恪靖伯以京卿督
兵敗之於湧山賊遂由樂平以犯景德陳大富
之軍殲焉左軍移樂平以要賊又敗之三月中
旬侍逆竄入浙衢防兵潰江常遂失

常山一經失。斷我江右道。江山一經失。閩浙各自保。軍
餉軍書格不通。舉頭西望心如擣。八年春仲失江常。衢
嚴金處同蒼黃。其時蘇常尚無恙。徽甯亦有防兵防。鄰
封援軍旦夕至。一洗妖霧日月光。而今江南數千里。可
憐盡化荆棘場。肆鯨橫海兮。龍不可渡。飛鴉盤空兮。鷹
不可揚。手携長劍倚碧落。愁雲四塞吳天長。安得壯士
挽強弩。使我浙東無侵疆。

四月

山城四月百花殘。試上危樓一撫闌。溪霧濛濛梅雨重。

江天漠漠麥風寒。近因軍餉籌絲稅。又報衢防走戰鞍。
民力已疲兵未罷。可憐時事日艱難。

圍棋

觸目悲時事。邀人且著棋。綠陰春去後。碧簾酒醒時。黑
白防多變。輸贏那得知。旁觀休袖手。殘局共支持。

和詩

流鶯聲在樹。孤唱不成春。千古知音重。天涯道味親。應
酬成雅集。往復見天真。索和尋常事。同心究幾人。

贈金陵馬伯符

湘帆侍御
之詞也

湘帆名御史江左大文宗。弓冶承吾子。詩書有舊容。神
駒期遠道。孤鶴出喬松。可奈逢時變。飛蓬少定蹤。
自脫留都亂。飄零又十年。隻身於越寄。八口滬江懸。金
粉長年夢。鶯花異地妍。小詩時示我。懷舊思纏綿。

立夏

茶○薜○蕊○醉○晚○風○香○桐○葉○垂○垂○日○漸○長○飽○啖○櫻○桃○過○立○夏○
不○知○人○世○換○炎○涼○
浣溪梅雨又愁人。重別瀟湘已七春。久客居然諳浙俗。
青精赤莧入盤新。

王雨田都閩帶兵防蘭溪過暨贈此都閩名浮龍
宣化武進士

矯矯猿臂面光紫，自述科名從進士。出身報國遂初心，
不愛火攻愛弧矢。宣州殪賊憑一箭，叙勳當日無人比。
此箭又解衢州圍，浙西安定四年矣。於今射法無人傳，
於今軍法難重宣。連營重勇不重兵，億萬游惰荷戈鋌。
士利無籍逃潰易，將利無籍虛額懸。上下交弊古法壞，
此意誰奏九重前。可憐時事日岌岌，江北江南漫荆
棘。清晨募士夕出師，五練三攻問誰識。指點軍中好年
少，明朝馳赴蘭溪道。頗嫻紀律守軍容，不似他人多草

草○惜○哉○此○隊○無○多○人○未○審○浙○疆○共○誰○保○語○罷○輕○身○跨○紫
頭○駟○浣○溪○微○雨○潤○山○郵○愛○君○服○君○飲○君○酒○我○欲○從○君○騎○上

挽龍游令龍書樓

諱森殿撰汝言子三月侍逆入江常四月繞衢
州南由靈山以犯龍游守衢兵聽其渡河十七
日陷龍游書樓死之書樓先余宰甯海善書耐
苦而性傲然友愛特甚余聞殿撰之失職也因
忘帝字遭斥時陳秋航殿試策內聖懷冲挹遺

寫懷字仍得第一京師爲之語云陳子沆落懷
及第龍汝言忘帝歸家有幸有不幸徃徃然矣
詩中及此事因并記之

君爲殿撰之長子。流離作吏風塵裏。書法蒼邁有父風。
性情傲岸無人喜。憶昔金鼇背上人。海風吹墮落紅塵。
京師忘帝歸家語。嘖嘖人猶說舊因。詞客罷官無尺土。
男兒奉檄爲家貧。常山初見問家世。剝落芝蘭實愴神。
後來我作緱城令。君爲舊尹告我政。敝衣粗糲短椽居。
清官不改寒儒行。冰詞冷面掃春和。丹桂情知多烈性。

果然今日殉賊死。地是龍游豈前定。我聞寇自三衢來。
草鞋一嶺扼形勝。大軍不守守蘭溪。縣官最苦無兵柄。
父職清華子職卑。地下相逢淚雙迸。

夜坐書感

自五月中彗星見於斗旁

遣愁消夏晚涼時。明月初生斗乍移。忽見櫓槍殊悵悵。
碧梧花下撤圍棋。

作示吳鳳池協戎

名再升

君前甯防稱健將。中調嘉禾挫威望。茲來浙東宜奮激。
末路驍驍氣休喪。國家用武已十年。宿將囊橐餘青錢。

錢多身命。往往重如君。忠義應未然。君居沅水洞庭西。
我居湘水洞庭東。洞庭水濶波瀾肆。一輪明月澄清空。
他時歸去好漁釣。貨殖休學陶朱公。干將愈磨鋒愈利。
能保初志方英雄。胡爲乎浙將功績。日以高浙中疆土。
日以蹙收回吳越。舊湖山請君一洒從前辱。

題吉安劉笏堂太守琴菟圖

落霞奏桑榆。愛日不可留。白露下蒿蔚。寸草心已秋。庭
闈自古傷罔極。難靜古樹風颼颼。惟有孝思磨不滅。手
澤口澤俱流傳。倚門歌蒸梨嗜。不有曾參孺慕忱。誰復

几筵知舊志。選錢太守西江豪。從戎五載佩容刀。百戰
河山桐盡爨。九江烽火徑全蒿。君恩未報知音少。先澤
能承舊德高。解囊示我傳家冊。一琴一篋丹青勞。秋風
浣紗石。越地狼煙赤。四牡駢駢周道馳。不遑空悵勞人
迹。玉軫難操古調稀。菜根欲齧餘芳惜。當年膝下博歡
心。此日鐙前記疇昔。移孝移忠總此心。直教翰墨垂金
石。我亦西湖墨綬分。秋霜春露感榆枌。披圖且自登高
望。千里長沙見白雲。

閱邸報知八月朔日日月合璧五星聯珠作詩誌

感

憶昔垂髫上學年。紫霄五緯聚奎躔。道光元年四月事。余以是日入學。
那期璇紀書元盛。重見珠囊啟瑞天。私願但求兵氣戢。
彼蒼應示帝符懸。一時憂喜都交集。俯仰西風倍惘然。

蘭溪官軍詠

六月張玉良携川兵駐巖州。進勦蘭溪兵與民。
鬪張大怒殺河西團民無孑遺。衢州避難士民
舟居蘭溪下游者同罹禍。金華守程兆綸救解。

不得悲憤嘔血死

蘭溪官軍頗不法。戰敗歸來裹紅帟。白奪民財燒民居。
將軍含笑誇勇捷。團民縱金截殺之。怒激將軍擐鐵甲。
聲言擊賊巡岸西。百里烟燭灰轉曉。嚕嚕赤子數萬生。
投尸江流付魚呷。童子灘中白石紅。將軍餘憤難平治。
回頭轉見下灘船。避難携家半豪俠。千檣連接有輝光。
銀花在籠珠在篋。下令偏裨賈勇登寶刀。過長艫過狹。
頃刻諸船老幼空。祇留少婦充軍妾。遣兵睦州大犒賞。
半夜管絃聲拉雜。金華舊守程使君。爲民乞命叩頭泣。

亂兵斫之中幕友斑斑鮮血沾衣濕使君上訴悲憤死
當軸咨嗟無語答強寇在門兵在人欲扶墜石恐重壓
吁嗟乎獵犬不獵轉噬人草間狐兔何時戢空使嚴陵
瀨下潮至今悲咽無人涉

歎金華

金華居東浙之中城堅地險張玉良於四月十
八日由蘭溪至金旋率兵去十九日城遂陷當
軸檄文瑞兵由義烏往攻不戰自潰又檄吳再
升米興朝兵赴勦亦擁兵不戰能無生歎

食我金華腊。又剝金華棗。剝我金華麥。又剪金華稻。春風去何疾。秋風到何早。不惜秋風早。促戰令人惱。將軍避暑方。深居士卒納。涼臥芳草胡。爲乎金方帝。子搖白旂。驚我瑯戈。眠未飽。可憐金華山。峩峩俯視列。郡如掌螺。南連桃嶺。通溫處。東由古剌。達甯波。蘭溪已絕。三衢道。方岩又連台。岳阿腹背據。形勝錦繡。迷山河。棄此不守。將奈何。失此不復將。奈何攻。此不戰將。奈何。

王雨田都閩戰歿於蘭溪之小方嶺詩以誌哀

聞失小方嶺。知君定不生。孤軍當衆寇。遺愛泣殘兵。丹

日吳東耿愁雲剗北橫，緱城擒海盜前歲憶同行。

錢江吟

錢江九姓傳出將官藉漁爲名以色作餌清時
官闕從流忘返逮及川武帳下仍歌逐水迷花
是不欲戰矣作錢江吟

錢江千里饒烟霞，畫船吳姬彈琵琶。征人住船如住家。
桐山明月富春樹，桂槳雙雙溯江去。爲君避潮君莫怖。
潮頭如雪雪旋消，鐵馬金戈能幾朝。阿儂勸君解戰袍。
夜深江霧開銀燭，照見船中鴛鴦宿。顏如桃花手如玉。

此時無夢到家鄉。征婦樓中休斷腸。天荆地棘空茫茫。

浙西從軍行

明月照錢江。夜深聞盪漿。盪聲雜絃聲。飛出烟波上。嫵娥覩顏色。知是千夫長。好曲開醉顏。一笑拍雙掌。鵬鷄伴鴛鴦。那復雲霄想。可憐壯士稿。暫作美人賞。

海天秋氣涼。萬竈衣裳薄。回首思故鄉。雙淚迸珠落。應募辭爺娘。自謂從軍樂。軍功竟難期。軍令日教卻。挺身欲向前。瞿瞿火伴弱。將軍不挑戰。壯士將何若。坐看飛霜來。淒淒逼戎幙。

我本楚軍士。後來投鄂營。鄂濟已罷戰。乃作浙西行。澤國富羅綺。飄飄嬌新晴。脫我大布重。著此秋羅輕。白馬何驕嘶。新繫珠絡纓。南關飲美酒。西湖市魚羹。北關登葛嶺。東海看潮生。何不操鐵弩。爲我射潮平。

疲馬無遠行。疲兵無鬪志。梁肉飽守犬。狡兔復何忌。神葵產西底。黑獷來荆地。舍舊新是圖。殷勤告我帥。期門深沈沈。我帥正酣睡。城守無外營。野戰無夜燧。頻年立功助。孔雀飄飄翠。易兵不易將。軍政日憔悴。

莫憚騎馬賊。馬從直道來。莫憚騎馬賊。馬行平地開。避

直有曲繞避平有崔巍。泝地非沙漠，偪仄愁龍媒。旁刺
與回殺，駿足奚畏哉。官軍失校練，臨敵鋒先摧。人智不
如馬，令我心疑猜。

古意

愛蓮校書姿藝冠，錢江嫁武將楊。金榜杭州圍，
楊戰死愛蓮不知何。依爲作是詩。

江中紅蓮花，花開落誰家。誰家年少子，白馬西湖裏。西
湖非故鄉，相逢劇斷腸。斷腸結連理，遺我千端綺。紫綺
裁作襖，綠綺裁作裙。裙花綉萬勝，郎今是從軍。軍中奏

鼓○角○賤○妾○不○慣○聞○爲○郎○歌○琵琶○明珠○落○紛紛○可○憐○明珠○
耀○嵌○在○寶○刀○鞘○寶○刀○一○朝○折○青○春○悞○年○少○美○人○嫁○將○軍○
白○首○誰○能○料○

聞杭州告陷書感

十一月廿八日杭州陷
十二月初二日滿營陷

八○月○收○安○慶○長○江○北○漸○清○東○南○望○康○父○朝○野○動○歡○聲○浙

事○忽○然○壞○杭○城○又○告○傾○梅○花○那○忍○看○雙○淚○日○縱○橫○

浙○省○餘○糧○少○嗷○嗷○待○外○供○長○圍○三○月○合○絕○粒○萬○家○同○漚○

瀆○收○洋○米○錢○江○阻○颺○風○紳○耆○胡○與○趙○空○自○效○公○忠○
杭紳胡光

甯湖紳趙炳麟由上海運米赴杭不能達

一卒衝圍出中丞寄帛書開函千淚迸不食兩旬餘白

奏煩鄰省丹忱耿太虛自慚臣力竭遺恨越防疏王壯

知不守先以帛書募壯士賫出至上海請蘇撫薛代

奏詞意謂杭不守由紹不守歸咎於紹紳王履謙有

臣死不瞑

潮○打○西○興○畢○回○頭○掃○武○林○瘴○雲○滄○海○合○毒○霧○一○江○深○斃

鼓○含○霜○濕○旂○旂○帶○雪○沈○危○城○同○累○卵○失○計○豈○從○今賊於

初四陷浦江進攻諸暨不能越乃繞富陽浦江交界

之和尚店以渡臨浦陷蕭山九月廿九陷紹興而杭

江○常○春○失○險○睦○婺○夏○旋○摧○幙○卷○羣○烏○集○鞭○搖○駿○馬○回○都

勢遂孤然杭勢孤雖由紹失至紹之所以失則咎不在紹興也

來顧根本不出翦蒿萊十頃錢湖地連營何處開李定

衢聽賊過而不擊張玉良守蘭溪而不顧金華饒廷
選林福祥始棄蘭溪繼棄諸暨終棄紹興羣率兵回
杭州以五六萬兵困於區區之西湖

桓桓張總統血染御黃衣一死前非掩殘兵鬪志稀弓

難鳴凍日戈戟叮暉太息江中艦絃歌欲解圍受總

南諸軍之命入稱之曰總統異之也賊陷金華時
張與蘭溪民圍關殺致壞大局退至杭州實能力戰
札營饅頭山我守城兵以砲擊之死惟城
外將官桂廷芳當危極時尚飲酒於妓船

重任維藩寄中朝宰相孫病多常臥閣寇急自當門

薇署無餘餉椒房有舊恩少年殉節死寶馬泣荃蓀署

雪門詩草

蒿目集

麟蕉園爲桂相孫以金華府請權署藩任雖多病猶帶小队出城搏戰殉難死諡貞介

軍容千帳墨。血戰六橋紅。都統人傳傑。旂兵死亦雄。虎

林昭義憤。鐵嶺泣英風。成敗何須論。艱難闔室忠。傑純以前

次守城功擢都統被圍後出城與賊戰殺賊於西湖之六橋諡果毅

衢郡兵難進。吳興勢竟孤。羅平妖册降。繡襦婦衣娛。已

見干支亂。能留伏臘無。狂瀾誰與挽。愁思滿江湖。候補道李

元度率援師至衢餉盡道梗不能達然杭城日日傳言李至湖州亦不能相救賊改干支以丑爲好卯爲

榮亥爲開僞歷有閏日無閏月

驅馬出門去。相逢怕浙人。鄉關勞遠念。禍亂問前因。東

海○難○填○石○西○湖○不○再○春○十○年○游○宦○地○欲○說○總○傷○神○

銀潢詠

銀潢垂象派。衍旁枝。昏晦數年春。然忽朗垣市。
既清衆星拱。耀草茆。仰望欣喜可知作銀潢詠。
銀潢亘天流。倏忽烏雲起。初迷文昌宮。殺氣秋風裏。冥
濛雨遂飛。渡河驚黑豕。清風塞上來。一洗三霄紫。皎皎
明月光。金波共千里。朝野歌萬年。清晏從茲始。